

卷之四

重刊詞林摘艷序

蓋謂樂府音律不可失傳。故當其任者必繼其跡於將來可也。間嘗博搜曲詞。覩有詞林摘艷者。取其精粹之義而名之也。豈可使之歷年深遠。湮沒無存乎。職任欲續其傳。又慮其出於詞家之輻輳。諳之五音六律。猶有未盡克協者。因而深致意焉。考其不協於音者。調之使協。不當於律者。調之

使當潤色一加。清濁高下。音律鏗然。若有復振太和元韻之美也。謹梓之以獻。序諸簡端云。

萬曆二十五年歲次丁酉季冬之吉謹序

詞林摘艷

黃鐘醉花陰目錄

聖德巍巍邁三五

日月長明興社稷

國祚風和太平了

錦繡花燈半空挑

春意融和鳳城裏

寶殿珠樓玉花糝

畫角聲催報春早

日永簾櫳篆煙靄

大將平南命征討

窗外芭蕉戰秋雨

羞對鶯花綠窻掩

行李瀟瀟倦修整

春初透花正結

楚漢爭鋒競寰宇

甲集

鴛鴦蒲蓮開並蒂長

殢酒簪花異鄉客

破鏡重圓帶重結

涼夜慊慊露華冷

寶髻高盤鳳釵插

短棹輕帆下江水

雪月風花共裁翦

玉宇金風送殘暑

行色匆匆易傷感

雪浪銀濤大江迥

春困書齋睡寃擾

玉臉橫秋淡眉掃

楊柳橫塘淡煙鎖

風擺青青送行柳

萬紫千紅綻芳苑

間阻別離又經久

滿腹內陰陰似刀攪

元夜花燈世無比

可意冤家似膠漆

一自離別信音杳

雨順風調萬民喜

大石調目錄

青杏子

空外六花翻

念奴嬌

驚飛幽鳥

驀山溪

冬天易晚

六國朝

風吹羊角

詞林摘艷

黃鐘醉花陰



甲集

聖德巍巍邁三五。感召得五風十雨。集靈瑞產騶虞。出
獻神龜。集慶雲零甘露。醴泉湧勝醍醐。正是
皇朝萬物覩。

畫眉序

春色滿

皇都。正值元宵月三五。看樓臺上下相喚相呼。花陌裏
絃管喧闐。寶鼎內香煙飛霧。和九衢。車馬喧闐處。齊

樂太平歌舞。

喜遷鶯

向天街中遊目。見人間閭苑蓬壺。芙蓉。綵燈萬炬。則道是一派星河下碧虛。喧笑語。錦繡叢千花爭麗。華筵間百戲歡娛。

畫眉序

龍樓漏聲初。月轉長廊夜當午。見鰲山高聳錦砌霞鋪。丹鳳侶齊下瑤臺。雲璈曲相傳仙譜。和九衢。車馬喧闐處。齊樂太平歌舞。

出隊子

蓬萊高處。五雲深隱玉宇。雕甍瑣闥麗珠。萬朶金蓮紅燄吐。一色山河壯

帝居。

神仗兒

風銷蠟炬。露浥紅爐。輕敲趑鼓。撥銀箏。吹鸞簫笙竽。唱春詞餘音裊裊不絕如縷。寶馬上擊珊瑚。紫陌裏簇香車。

刮地風

大一統乾坤歸

聖主。兆民樂四海蒙福。春光處處歡黎庶。遍頌唐虞烹
熊掌切着香玉。飲濁醪滴着珍珠。老的每小的每笑
舞歡娛。喧簫鼓烘九衢。春宵長不禁金吾。月斜後步
影方歸去。真箇樂醕醕一事無。

神仗兒

蠟焰花紅照歌舞。調宛轉合律呂。滿路香飄撲上羅
襦。掩映霜蟾翠簾踈。好風光須記取。太平年今喜覩。

四門子

御堦前兩班排文武賀

皇明超往古。萬國又朝。方物來輸。響珊珊拜舞鳴佩玉。
四海安。

萬歲呼。祝

皇圖永固。

開樊樓

聖恩汪洋遍霑海宇。把生靈深愛撫。聽說昇平語。千年
難遇。幸今生特地覩。

古水仙子

喜喜喜縱遊目。撲撲撲遙聽得千門喧爆竹。逢上元
節佳時。看遊冶人來去。擔頭邊掛酒壺。行行行向花
裏擺列行厨。何必問黃公尋酒爐。醉醺醺漏盡更闌
處。滿身花影倩人扶。

餘音

良辰美景天付與。趁樂賞休教辜負。萬古繁華在
帝都。

醉花陰

日月長明興社稷。禮三才天地

聖威。四海外永無敵。不動征旗。酒旗招民心喜。因此上
鳳來儀。天下咸平。感日月光天德。

喜遷鶯

忻逢盛世。定乾坤一統華夷。無敵四方寧謐。百二山
河壯

帝畿。感帝德。黎庶每田蠶百倍。因此上路不拾遺。

出隊子

禎祥佳氣。醴泉湧甘露滴。河清海晏萬邦知。國泰民
安天下喜。錦繡般江山萬萬里。

刮地風

托賴着

當今明聖德。因此上股肱扶持。正歌謠四海昇平日。不
動征旗托

皇恩感謝天地。攝伏的萬國來儀。齊祝讚

聖明君永固皇基。勝堯年賽舜日。因此上一統華夷。麒
麟生出現禎祥瑞。呀。播清風萬代知。

四門子

玳筵開擺列。玳羞味。慶山河壯

帝基。飲御酒。列鼎食。奏笙歌。一派音韻美。禮樂又成筵
宴又畢。御階前山呼
萬歲。

古水仙子

普天下共讚喜。都托賴

當今仁聖德。喜四海無征。樂八方寧息。慶豐年賀稔歲。
平定了萬國華夷。

聖恩寬萬民。皆感激。降乾符
聖意合天意。萬萬載永無敵。

尾聲

擊壤笙歌動天起。綺羅叢象板龍笛。祝
萬壽樂昇平賀聖德。

醉花陰

國祚風和太平了。是處產靈芝瑞草。
聖天子美臣僚。法正官清。百姓每都安樂。喜佳節值元
宵。點萬盞花燈直到曉。

畫眉序

花燈兒巧粧描。萬朵金蓮綻池沼。任銅壺絕漏禁鼓
停敲。庭內外香靄齊焚。樓上下燈光相照。和楚腰羅
綺叢中俏。人在洞天蓬島。

喜遷鶯

似神仙般歡樂。聽梨園一派笙簫青霄。月離海嶠。恰
便似寶鑑高懸。銀漢遙明皎皎。月色和燈光相射。燈
光和月色相交。

畫眉序

街市上喜通宵。仕女遊人鬪施巧。剪春蛾雲鬢寶釵
斜挑。紅袖底雙握春纖。花燈下相看花貌。和楚腰羅

綺叢中俏。人在洞天蓬島。

出隊子

仙境內雖然難到。便怎生強如俺塵世好。水晶簾低
簇畫堂標。玳瑁筵寬鋪庭院小。琉璃盞齊燒燈焰高。

神仗兒

元宵景好喜慶

皇朝遊人鬧炒。轉燈兒鞋燈兒齊挑。繡毬燈團團皎皎
綵繩高吊。錦帶似綵雲飄。絳蠟似曉霞燒。

刮地風

淅淅淅天風香霧遠。則聽的社火鑊鐸。街衢上逐鼓
偏聒噪。動地聲高。喬三教喜動清樂。醉八仙快躡高
橈。這壁廂那壁廂痛飲香醪。笙和笛間紫簫。簫和箏
合着檀槽。繡簾下美女多奇妙。他每唱陽春按六么。

神仗兒

一派歌聲動天表。唱得是直恁好。孔雀屏開映徹鮫
綃。玉笋金樽闔相招。儘教天漸曉。

四門子

綵雲間斗柄斜橫了。霽一天星月皎。酒令兒行。筭筭筋

兒交。絳綃樓。痛飲添快樂。鳳髓烹獸炭。燒把肥羊來
鑊燎。

鬧樊樓

兩行金釵最宜素縞。麝蘭風香縹緲。微露着金蓮小。
凭欄凝眺。看階前舞鮑老。

古水仙子

我我我自審約。是是是曾見說當年元夜好。因漢武
帝朝中。召東方朔言道。海中央有巨鰲。他他他現時
節五穀豐饒。鱗甲內有光冲碧霄。照天關喜悅民安

樂。後來因此上賞元宵。

尾聲

人生百歲須還老。切莫恡追歡求笑。但願年年慶此
宵。

醉花陰

錦繡花燈半空挑。綵結成鰲山最高。十五夜賞元宵。
百姓每滿斗香燒。將

萬萬歲皇恩報。感天地好田苗。見如今五穀收成都完
備了。

喜遷鶯

先動起簫韶清樂。韻悠悠音呂和調。聲高盡都是太平曲調。南北腔黃鍾句句標。真是好看。看了這鰲山勝境。端的是巧筆難描。

出隊子

我則見紅光顯耀。似祥雲罩碧霄。則見那花燈兒不離了一週遭。更和這滾燈兒鰲山前後繞。恰便似萬萬朵金蓮開放了。

刮地風

玉兔金烏日月高。普天下萬國來朝。有西池王母祥雲罩。彩雲間瑞靄飄飄。上面有七真傳道。更有那八仙請教。有玉女翠盤中捧着仙桃。有長壽仙世不老。引着這虎鹿猿鶴。高高的展開看經教。寫着賀豐年萬萬朝。

四門子

有千般隊舞安排了。見八蠻來獻寶。率領簇穿錦袍。有玲瓏玉帶寶嵌着。獻白象牙。水犀角。玻璃瓶珊瑚瑪瑙。

古水仙子

簌簌盡鼓敲。響璫璫鑼聲相襯着。見見見傀儡兒
齊來。一箇箇手執着百寶。出出出繞週圍轉幾遭。他
他他端的是堪盡堪描。是是有院本做一段喬教
學。賀賀賀一齊的舞起村天樂。慶慶慶佳節賞元
宵。

尾聲

萬萬盞花燈太平好。賀

當今四海來朝。普天下快活直到老。

醉花陰

春意融和鳳城裏。四海內皆朝上國。值元夜景相宜。
燈月交輝。仙景般多佳致。鰲山列與雲齊。則聽的一
派仙音動天起。

畫眉序

燈月下設筵席。淅淅香風數十里。見遊人車馬往來
追隨。銀漢濶月朗星稀。遍市街喧闐歌吹。和旒旖羅
綺成行隊。嬌羞美貌遊嬉。

喜遷鶯

言本
黃鐘
正值着堯年舜日。攝伏的南貊東隣。歸依北狄西滌。慶賞元宵民樂矣。真箇美則聽的。鏦鏦鼓響。都是那社火併集。

畫眉序

天棚樂響雲霓鮑。老街前舞神鬼。見驚人百戲調出。希奇。燈月底相引妖嬈。端詳看千嬌百媚。和旖旎。羅綺成行隊。嬌羞美貌遊嬉。

出隊子

見兒童相携。向街前齊叫起道。今年元夜最爲魁。放

煙火烘烘接太微。舞逐鼓歡聲恰似雷。

畫眉序

燈毬兒巧粧飾。耿耿星橋月如水。似金蓮開放散滿。瑤池樓上下燈火相連。門內外歌聲相繼。和旖旎。羅綺成行隊。嬌羞美貌遊嬉。

出隊子

今夜里非同人世。似蓬萊仙境裏。家家庭館唱聲疾。湛湛遙天星宿稀。處處樓臺舞袖底。

神仗兒

良辰美景。喜遇佳辰。燈時月夕。遶街前。齊呈百戲。衆
樂人燈光底。百事能爲。打院本。做雜劇。賞翫着頓忘
歸。

刮地風

一箇箇後仰前合。醒又醉。端的是足食豐衣。勝西池
王母蟠桃會。民仰雍熙。報秋成穀生雙穗。應豐登麥
秀二岐。官府廉法。清正減除差役。民安業警報息。遵
天命。端拱垂衣。賀吾
皇御極無爲治。端的勝唐虞有至德。

神仗兒

巧畫花燈。世無比。畫的來。直恁般美。累朝故事。彩畫
絕魁。雪景翎毛。共山水。畫都是名人筆。

四門子

雪花燈。隱約冰花碎。滾燈兒。地上疾。白羽鵝。錦雉鷄。
鳳凰燈。兩翅恰似飛。禁鼓又催。銅壺又滴。將春盒兒
擺起。

鬧樊樓

酒泛金盃。令行莫急。列佳釵烹錦鯉。對佳人星月底。

淋漓衣袂相隨。趁不暫離。

古水仙子

您您您把羊羔火上炙。是是是一任教天明樂一回。
看斗柄往來移。見月輪從西墜。一年家能有幾。他他
他一箇箇素手相携。慶豐年大有時序宜。現金鰲盛
世呈祥瑞。後來因此上賞元夕。

餘音

年年此日應須記。五夜重來歡會。祝賀

當今萬萬紀。

醉花陰

寶殿珠樓玉花糝。萬里彤雲一攬。遍世界滿山岩。柳
絮相攬似織鵝毛毯。莫不是戰退玉龍酣。萬萬片銀
鱗滿翠嵐。

喜遷鶯

將這禎祥推勘。太平時瑞應宜堪。須叅臘前喜見。聽
四境歡聲民庶談。將天地感盡。都道豐年有象。飽暖
先諳。

出隊子

雕欄寶檻。列華筵樂事耽。見滿空皓鶴翅相慘。撲萬
隊蝴蝶粉亂糝。凍千里銀河水細剗。

刮地風

有一派仙音供奉着。列兩行珠履瓊簪。紫金盃到
手休辭暫。果擘黃柑。乘醉想梅花將探。遣興把霜毫
頻蘸。酒半酣詞一函。喚紅兒雅歌清談。酒注在白玉
壘。列玳瑁羞紫蟹紅蚶。颯蒼松翠竹風搖撼。積瓊瑤映
舞衫。

四門子

看亭臺遠近。銀粧嵌。峭紗窻似食葉蠶。鎖翠峯。凍碧
潭。遍乾坤。萬里雲霧緘。詩句清。酒味甘。直喫的醉醺
醺。紅遮綠揜。

古水仙子

想少年忒是愁。向郊原正宜將圍獵貪。看俊鶻擊住
佳鵝。在白茫茫雪湖中曾滄。凍剌剌履頑冰駿馬脫
了轡。脚撲簌簌的鞭鼓兒波面上聲合。笑呷呷得偶
的喜氣都自擔。明滴溜的金頭玉頸鵝盈擔。響瑯瑯
的鞭敲着金鐙候回駝。

尾聲

到今日老後心中樂恬憺。遇冬寒賞雪在梅菴。相伴
着酒社詩壇受用煞俺。

醉花陰

畫角聲催報春早。一簇簇尋芳闌草。開宴賞花朝。車
馬相迎。來往佳人笑。野人家簷掛酒旗搖。箇箇都將
春盛挑。

喜遷鶯

嬌滴滴春光花萼。紅馥馥豔杏夭桃。花撲撲難摘。錦

叢叢可遊堪樂。絮叨叨紫燕歸來覓舊巢。樂醕醕盡
翫飽。一段段山青綠水。一處處柳嫩花嬌。

出隊子

艷陽天道聽啼鶯聲。歷巧試看那牡丹濃。薔薇媚海
棠嬌。都向那柳陰中潛行過竹徑抄。不付能春色溶
溶。可又早暑氣覺。

刮地風

沉李浮瓜紈扇搖。避暑逍遙。倚涼亭翫賞心歡樂。陳
設佳殺。一壁廂喧闐鼓樂。聒耳笙簫。一壁廂金盃內

滿泛香醪。翫荷蓮倚畫橋。芳池內藕似銀條。海榴開
滿目紅雲罩。呀。敢早金風桂子飄。

四門子

聞枝頭不住蟬聲噪。看堦前梧葉凋。飲興又濃。明月
又皎。東籬下坦然沉醉倒。黃菊又開。紅葉又飄。我則
見連天衰草。

古水仙子

冷颼颼朔風寒凍樹。來往往人行難動脚。看看看
江村阻隔漁樵。見見見攬孤舟短掉。休休休孟浩然

尋梅去迷霸橋。覷覷覷看山遠不辨低高。望望望冬
景堪畫描。是是是韓退之懶上藍關道。呀呀呀慶雨
順賀風調。

尾聲

四季韶光似風掃。不如將故友頻邀。你將這好光景
莫教辜負了。

醉花陰

日永簾櫳篆煙靄。簇絳紗葵榴闌色。蟬噪綠陰槐出。
水荷開。亭影下雕欄外。粉汗滴香腮。玉臉溶溶紅映

白。

喜遷鶯

忒風姿體態。綠雲堆。宜插金釵。偏歪。妖嬈帶色。堪可
上金粧。七寶臺。羨俊才。似嫦娥。初臨凡世。如仙子。離
却天台。

出隊子

一輪金魄。出扶桑。離大海。強臨寶鑑。對鸞臺。重整花
鈿。插玉釵。再理胭脂膩粉腮。

公篇

擊合歡。樓帶掛玲瓏。玉項牌。湘裙微露。鳳頭鞋。玉骨
冰肌。香滿懷。雲鬢堆。鴉插鳳釵。

刮地風

出繡戶。凌波踏綠台。等候多才。趁着那晚風涼。潛向
闌干待。綠陰庭槐。則聽的忒楞騰。鳥驚林外。猛可里
挖支支。小角門開。笑臉迎。禮樂施甚的。和諧。接住了
小秀才。我和他玉肩相挨。到香閨。施禮深深拜。笑吟
吟。喜滿腮。

四門子

今宵喜遇乘鸞客。五百年緣分訣。將金扣兒鬆。繡帶兒解。顯酥膏膩香光瑩白。錦帳裏歡。翠被中挨。不覺的春生滿懷。

古水仙子

香羅上紅點白。端的是可可喜喜嬌嫩色。看了那丰丰韻韻。堪憐堪愛。似一朵牡丹花露滴開。美姿姿好是奇哉。汗淋淋玉纖向粉面揩。意匆匆不覺渾身泰。亂髮鬆髻雲歪。

寨兒令

陽臺陽臺。楚巫娥今夜和諧。似採藥的劉晨到天台。越清楚越紅白。春意美仍還在。

神仗兒

又早是雲收雨開。也不肯鸞分鳳拆。恰退了蝶粉蜂黃。常則要鶯隨燕來。似雙蒂蓮並排。連理枝相挨。合歡帶休解。琴瑟永和諧。

掛金索

海誓山盟。休要把人禁害。美滿恩情。常則是真心在。帶雨尤雲。常記在我心懷。休把心腸。半路向別人揣。

尾聲

忽的星稀月沉海。悄聲兒囑付多才。將你那俊俏的
心腸兒莫更改。

醉花陰

大將平南命征討。托

洪福齊天聖朝。文共武智謀高。統百萬雄兵。將地土如
雲掃。人似虎馬如蛟。號令威嚴擺布着。

喜遷鶯

第一功渡江緊要。船到岸納喊旗搖。四壁下攻着。放

起連珠信砲。殺的那賊寇無敵。荒了手脚。無計可逃。
大將軍威風八面。計有千條。

出隊子

按黃公三畧。施呂望運六韜。殺的那一攢攢一簇簇
填滿山壕。恰便似刈葦芟蒲。絕了禍苗。將他那寨主
窩巢火盡燒。

刮地風

四隅起征鼙。震天表。勒不住戰馬跑哮。都是那六丁
六甲活神道。一箇箇勇烈英豪。按不住怒氣冲霄。也

不索逢山開道。遇水疊橋。逢着山。遇着嶺。平躡平削。
總監軍。掠陣角。則將那戰鼓催敲。暗埋伏。四面軍圍。
遠恰便似兵山般鐵桶牢。

四門子

勝諸葛。畧策如神妙。將崎嶇路。等待着。一隊隊鎗。一
隊隊標。水磨鞭。映日光皎皎。鎗掀了牌。箭過了標。怎
當那明晃晃。哀刀。

古水仙子

齊臻臻。盡圍遠。將小醜。凶奴盡數勦。斬首賊百萬之

餘。擄象馬。勿知多少。盡歸降。投順了。見長江。血水濤。
濤。定蠻夷。遠方無耗擾。撫安的。邊境軍民樂。酌將士
建功勞。

尾聲

海宇清寧賀

天表。樂昇平。萬國來朝。入青史。盡標題。圖像閣。

醉花陰

窻外芭蕉。戰秋雨。又添上新愁。幾許。珊枕剩。繡衾餘。
落鴈沉魚。眼底知何處。酒醒後。細躊躇。一寸柔腸千

萬縷。

喜遷鶯

把離人愁助。鬧西風。翠竹蒼梧。簫疎粉墻外。霜砧輓
轡。一片秋聲。廝斷續。不知人心上苦。捱不過。追魂鐵
馬。更和那索命銅壺。

出隊子

記柳邊朱戶。乍相逢。春正初。看一簾花霧。暗香浮。愛
滿地涼蟾。素練鋪。聽四座笙歌。紅袖舞。

么篇

想多情。丰度。論褒彈。事事無。他有那西施。嬌艷不傾
吳。小小風流。不姓蘇。巫女精神。未遇楚。

刮地風

看了他。閉月羞花。天付與。又何須。傳粉塗朱。整羅衫
款。把寒溫。叙禮法。誰如。偶能勾。一番相遇。便拚下百
年歡聚。死生情。山海誓。永無憂慮。似鸞凰。緊趁逐。畢
罷了。寄簡傳書。等閑間。長就連枝樹。這言詞。豈是虛。

四門子

自別來。幾見垂楊綠。悄然的音信。疎瘦影兒單。好夢

兒孤。憶分携。恁時風景殊。樹影兒沉。日色兒晡。擺列
下淒涼隊伍。

古水仙子

我我我自嘆吁。罷罷罷姻緣薄。仍將姓字除。准准准
斷雲將楚岫遮攔。敢敢敢桃花把天台截住。來來來
生分開比目魚。呀呀呀兩三朝鬼病挪揄。是是是效
吹簫月明無伴侶。他他他把六朝金粉收拾去。單單
單留下寫恨幾行書。

尾聲

曾指歸期在春暮。却又早露冷菰蒲。把燈花影兒終
夜卜。

醉花陰

羞對鶯花綠窻掩。憔悴損桃腮杏臉。終日病恹恹。無
限春愁。都被俺離人占。陽臺路少拘鉗。行暮雨巫娥
先被閃。

喜遷鶯

想詩書琴劍。金錢卜占了重占。鵲噪雕簷。幾曾靈驗。
忘不了別時節語話兒甜。因此上鬼病染。寂寞了羅

幃錦帳。辜負了翠幕朱簾。

出隊子

這些時思乖情愴。怎當那老萱堂拘緊嚴。困騰騰情思鎖眉尖。眼盼盼佳期插玉纖。恨綿綿相思流淚點。

刮地風

絮叨叨言詞都是諂。可不道君子謙謙。玉容減盡梨花艷。碧玉簪拈。金鳳翎擗。愁深似九重天墜。命薄如五更燈焰。茶不湯飯不嘗。病成即漸。那里也文章蘇子瞻。原來是無伎倆江淹。想今生料得難相苦。我和

他到九泉熱厮粘。

四門子

慢騰騰搨動描金靴。圪登登踐紅塵駿馬兒跣。一會家愁。一會家喏。撲簌簌兩行珠淚點。一會家愁。一會家喏。我這里行行作念。

古水仙子

呀呀呀。裊絲鞭瞬目瞻。咿咿咿。離魂隨結雲荏苒。一重重高聳聳岩崖。一處處冷清清客店。風颼颼酒旗兒急颭颭。他他他多應是透骨髓情粘。我我我盡今

生受苦何曾厭。是是是相思債。焠焠如刀劍。休休休
恩情作水中鹽。

尾聲

忽的人來猛驚閃。離魂逐一點明蟾。雲窗下夢回門
半掩。

醉花陰

行李蕭蕭倦修整。數月淹留帝京。花外杜鵑聲。催赴
歸程。將往事從頭省。心坎上憂愁事向誰明。都做了
棄業拋家惡夢境。

喜遷鶯

據着俺才郎心性。莫不問天公行買撥來的聰明。多
能。更外才相稱。見了他不由人不動情。忒志誠。兀的
不傾了人性命。兀的不引了人冤靈。

出隊子

騎一匹龍駒暢好是口硬。恰便似馱張紙不這般輕。
騰騰騰收不住玉勒。恁般虛驚。火火火坐不定雕鞍。
則待眼生。撒撒撒又勒不住金啣。百忙里且攛行。

刮地風

這沒撒和長途有十數程。越恁的骨瘦蹄輕。雖然是
暮春景物傷人興。那里見景生情。端的是滿路花生。
一攢攢綠楊紅杏。一雙雙紫燕黃鶯。一對蜂一對蝶。
各自相趁。想天公是怎生。不肯教失了人情。中間裏
剖一道紅芳徑。教俺小夫妻並馬兒行。

四門子

咱如今富貴還鄉井。休學錦衣人不夜行。若見俺娘。
那一會驚。說的來話兒沒了面情。咱兩箇門廝當。戶
廝應。則怕他言行不清。

古水仙子

若說着老母情。他則待祆廟火刮刮。匝匝烈焰生。將
將將水面上鴛鴦。忒楞楞分開交頸。束刺刺刷備
雕鞍撒了鎖鞋。廝瑯瑯偷香處。喝號提鈴。支楞楞絃
斷了不續碧玉箏。玃玃瑤精軌上。摔碎菱花鏡。撲簌
簌井底墜銀瓶。

寨兒令

我每日家縈縈。閣不住雨淚盈盈。拍着胷自招承。自
感嘆自傷情。自悔傲自由性。

神仗兒

俺娘毒害有名。全沒些子母面情。將一箇癡小冤家。送的來離鄉背井。每日家煩煩惱惱。孤孤另另。少不的乞禳成病。斷送了潑殘生。

公篇

沒揣也吁一聲。恨似雷霆。猛可的詭一驚。去了魂靈。這的是俺娘的弊行。戒醜乖佯做箇失驚。妖精也甚精。看這日忍情。你且待我這潑性命。

掛金索

驀入閨門。則交我立不穩行不正。望見首飾粧奩。身不寧心不定。見幾箇年少鬢髮。口不住手不停。擁着箇半死佳人。喚不應呼不應。

尾聲

驀地心回猛然省。旅店上一點孤燈。照不見伴人青瘦影。

願成雙

春初透花正結。正愁紅慘綠時節。待鴛鴦塚上長連枝。做一段風流話說。

公篇

融融日暖噴蘭麝。倩東風吹與蝴蝶。安排心事說山盟。準備着鮫綃搵血。

出隊子

青春一捻。柰何羞嬌更怯。流不乾淚海幾時竭。打不破愁城何日缺。訴不盡相思今夜捨。

公篇

捱不過如年長夜。好姻緣惡間諜。七條絃斷數十截。九曲腸拴千萬結。六幅裙攬三四摺。

尾聲

三四摺裙攬且休藉。九迴腸解放些些。量這數截斷絃。須要接。

醉花陰

楚漢爭鋒競寰宇。楚項籍誰贏敗輸。此一陣不尋俗。英布誰如。據慷慨堪稱許。知韜畧曉兵書。無他那半霎兒熬番了楚項羽。

喜遷鶯

骨刺刺門旗開處。楚重瞳在陣面上高呼。無徒殺人。

可怨。情理難容這匹夫。他兩箇厮耻辱。一箇道着伊
不小。他道是負你何辜。

出隊子

俺這里先鋒英布。會支分能擺布。鏗鏘冷颼颼陣
面上發金鏃。火火齊臻臻軍前列士卒。呀呀呀我
則見不刺刺的壞心驟戰駒。

刮地風

鏗鏘鏘三聲索戰鼓。骨刺刺兩面旗舒。登時間二馬
相交處。則聽的喊震天隅。我則見一來一去。不見羸
輸。兩匹馬兩員將有如星注。一箇是火尖鎗。他是那
楚項羽。忽的早正刺宵甫。俺英布那些英雄處。見鎗
來輕輕的放過去。

四門子

兩員將各自尋門路。整處軀統巨毒。虛里着實。實里
着虛。厮過瞞各自施法度。虛里着實。實里着虛。則聽
的連天喊舉。

古水仙子

紛紛踐土雨。靄靄靄黑霧黃雲遮太虛。不刺刺馬

蕩動征塵。隱隱人番在殺霧。呀呀馬和人都氣促。玦玦璫鎗和斧籠罩着身軀。足律律斧迎鎗。數番煙焰舉。跣捺捺鎗和斧萬道霞光出。厮瑯瑯斷凱甲落堦。鰲。

尾聲

將一匹胯下征駝緊兜住。嗔忿忿怒夯破宵匍。俺英雄布生拏損明晃晃簸箕般金醮斧。

醉花陰

鴛鴦蒲蓮開並蒂長。桃源洞春光艷陽。花解語玉生

香。月戶雲窻。忽被風飄蕩。分鶯燕折鸞凰。總是離人苦斷腸。

畫眉序

虛度了好時光。枕剩衾餘。怎不淒涼。腸拴萬結淚滴千行。愁戚戚恨在眉尖。意懸懸人來心上。和暗傷。何日同鴛帳。難捱地久天長。

喜遷鶯

自別來模樣。瘦恹恹病在膏肓。難當。越添惆悵。恰便似柳絮隨風上下狂。心勞意穰。一會家情牽恨惹。一

會家腹熱腸荒。

畫眉序

欲待要不思量。若不思量都是謊。要相逢除是夢裏成雙。冰上人。不許歡娛。月下老難爲主張。和暗傷。何日同鴛帳。難捱地久天長。

出隊子

心懷悒快。無一時不盼望。塵蒙了錦瑟助淒涼。香盡了金爐空念想。絃斷了瑤琴。魂蕩漾。

神仗兒

人離畫堂。人離畫堂。枕剩鴛鴦。釵分鳳凰。想當初樽前席上。共雙雙。偎紅倚翠。淺斟低唱。歌金縷。韻悠揚。依腔調。按宮商。

刮地風

當初啜賺我的言詞。都是謊。害的人倒枕垂床。鸞臺上塵鎖無心傍。有似風狂。寂寞了綠窻。朱幌。空閑了繡榻。蘭房。行時思坐時想。甚時撒漾。你比那題橋的少一行。閃的我獨自孤孀。望禹門三汲桃花浪。你爲功名紙半張。

神仗兒

手抵着牙兒自思想。意躊躇。魂蕩漾。玉減香消。怎不
悲傷。幾番欲待不思量。醫相思無藥方。

四門子

玉容寂寞嬌模樣。飯不拈。茶不湯。一會家思。一會家
想。你莫不流落在帝京旅店上。一會思。一會想。你莫
不名標在虎榜。

鬧樊樓

錦被堆堆空。閑了半床。怎揉我心上痒。越越添惆悵。

共誰人相傍。最難熬苦夜長。

古水仙子

我我我自忖量。他他他儀表非俗真棟梁。傳粉勝何
郎。畫眉欺張敞。他他他風流處有萬椿。端的是世上
無雙。論聰明俊俏人讚揚。更溫柔典雅多謙讓。他他
他衡一片俏心腸。

尾聲

攀蟾折桂烏卿相。成就了風流情況。永遠團圓畫錦
堂。

醉花陰

殢酒簪花異鄉客。花酒內淹流。數載花悅眼。酒忘懷。
酒釀花濃。舉酒在花溪側。忽頓覺數年來。將我這悒
快的心腸。忽的改。

喜遷鶯

想當初狂態。醉鄉中放浪形骸。吾儕盡都是五陵豪
邁。都是些濶論高談。梁棟才。一箇箇安邦定策。一箇
箇劔揮星斗。一箇箇宵捲江淮。

出隊子

到春來東城南陌。信青驄踏綠苔。柳陰中打遠逞狂
乖。芳徑內粧么銜意脉。粉牆上題詩思膩色。

刮地風

到夏來遶定雕欄。垂楊擺綠陰。庭槐戲金船。倚棹蘭
舟外。儘意忘懷。聽韻悠悠。樂聲一派。搖紈扇。玉體相
挨。有翡翠軒碧紗幮。避暑樓臺。捧瑤觴。莫減側。擺列
着十二金釵。直喫的晚涼生日暮。瑤天外。共採蓮人
歸去來。

四門子

到秋來寫長空寒鴈兒堪人愛。霽一天秋月色。綠葉兒殷。黃菊兒開。効龍山落帽老秀才。直喫的臉暈紅。身子兒歪。嬌滴滴玉人兒扶策。

古水仙子

我我我自鑿戒。似似似錦陣裏踈狂李太白。將將將寶劍共瑤琴。還還還花錢共酒債。我我我嫌天寬恨地窄。呀呀呀却原來冬景幽哉。看看看漫長空瑞雪風亂篩。見見見傲冰魂玉梅南軒外。馨馨馨時送將暗香來。

尾聲

倚翠偎紅理當戒。樂琴書不出茅齋。似這般好光景我也曾多見來。

醉花陰

破鏡重圓帶重結。摔碎了鸞釵再接。誰承望又和協。眼角眉睫剛得閑愁卸。這一段惡離別。及至相逢細分說。

喜遷鶯

孤眠昨夜。傍紗窗梅影橫斜。重疊庭月小微雲半遮。

幾件淒涼厮鞦者。百般的難睡也。鎖不住春心蕩漾。
當不過夢境隨邪。

出隊子

是前生冤業。怎教人相棄捨。又被那醫不活害不死
病也斜。把不定拏不住恨轉楚。抬不起放不倒身軀
減瘦怯。

公篇

對踈星殘月。自含情誰共說。空將那辯吉凶著草數
番揲。無靈驗羊腸幾遍結。托幽思花牋不次寫。

刮地風

將一箇難打捱時光。剛過徹。費盡了多少週折。實丕
丕兩地擔驚揲。幾曾得半晌寧貼。我爲他看不的花
開花卸。他爲我見不的燈昏燈滅。茶不茶飯不飯無
明無夜。病和疾添上些。怎當他六國喉舌。越間阻剗
的越疼熱。志誠心堅似鐵。

四門子

半年来冷落讀書舍。望天涯道路賒。音信又稀。風景
又別。枕邊言百般難棄捨。一會似癡。一會似呆。漬滿

了青衫淚血。

古水仙子

呀呀呀好姻緣不斷絕。喜喜喜重領了合同風月牒。
准准准尾生橋再駕橫梁。敢敢敢韓王殿還興臺榭。
来来来香仍偷玉更竊。罷罷罷收拾起往日咨嗟。將
將將滿懷愁恁時都告撇。把把把鎖春寒錦被薰蘭
麝。景景景連理樹未曾折。

尾聲

纔見分携又歡悅。訴不盡往事重疊。一件件一椿椿

在畫屏上寫。

醉花陰

涼夜恹恹露華冷。天淡淡銀河耿耿。秋月浸閑庭。雨
過新涼。梧葉凋金井。困騰騰瘦了身形。鬢驪鸞釵不
欲整。

喜遷鶯

更闌人靜。強披衣出戶。閑行傷情。越添了孤另。我則
見黯黯愁雲鎖鳳城心。緒驚新愁易積。舊約難憑。

出隊子

闌干斜凭強。將那玉漏聽。十分煩惱恰三停。一夜淒涼纔二更。暗屈春纖十數程。

刮地風

短嘆長吁千萬聲。怎能勾捱到天明。被賓鴻喚醒離愁興。雨淚盈盈。不覺的玉露零零。銀漢澄澄。桂影橫。素魄輝月明如鏡。恰長空萬里晴。又被那一縷雲生。恰遮了北斗杓兒柄。呀敢這淒涼有四星。

四門子

望天涯盡老成孤另。乍分飛不慣經。日日踈。漸漸生。

逐朝家盼望逐日等。行裏憔悴。夢裏又驚心不暫停。

古水仙子

我我我有信行。是是是半霎兒他行不志誠。我我我氣命般看承。敢敢敢心肝兒般欽敬。他他他將人似草芥輕。瞞不過天地神明。說來誓盟都要應。將將將虧心的神鬼施靈聖。腸欲斷淚如傾。

尾聲

痛恨西風太薄倖。透窻紗吹滅殘燈。到少了箇伴人愁瘦身軀憔悴影。

醉花陰

寶髻高盤鳳釵插。蕩湘裙金蓮半扎。香有閨玉無瑕。孌孌婷婷。費盡千金價。未嘗見這嬌娃。便有那巧筆丹青都是假。

喜遷鶯

他若是言談語話。啓朱唇微露銀牙。謙洽。便有那桂英不壓。十指纖纖似藕芽。撥銀箏那玉馬。不由我心兒裏愛他。不由我意兒裏偏他。

出隊子

他生的難描難畫。恰便似趁東風解語花。行一步越看越堪誇。唱一聲越聽越轉佳。端的是占斷了風流多俊雅。

刮地風

則被你引了人心猿和意馬。莫不是索命的冤家。不由人見了心牽掛。霎時間翫逸天涯。夢斷巫峽。齊臻臻眉彎柳芽。香馥馥臉襯桃花。我的情他的意。兩不爭差。我見他高高的捧着玉笋。笑吟吟席上喧嘩。玉纖手緊緊的遮銀蠟。他敢將私情訴與咱。

四門子

送春情不住將秋波抹。這相思索要害他。一會家思。一會家察。這情兒未知真共假。一會家思。一會家察。莫不是風流的調法。

古水仙子

聽聽聽鼓二撾。俺俺俺緊並着香肩玉手拏。他他他意兒待將鳥。俺俺俺心兒中不怕。他他他整鴛衾鋪繡榻。見見見掩重門閉上窻紗。是是是得歡娛未曾多半霎。恨恨恨皎蟾光不住低低下。呀呀呀天早曉

噪寒鴉。

尾聲

囑付多情半星話。永團圓不許情雜。成就了好姻緣受用殺。

醉花陰

短棹輕帆下江水。情默默心忙意急。生折散燕鶯期。水遠山遙。何處尋踪跡。金山寺觀的真實。求一箇救苦難靈籤問箇信息。

喜遷鶯

看金山景致。見樓臺霧鎖雲迷。堪題遠山疊翠。我則見古恠巔峯壓着九疑。侵北極翠層層山光映水。碧澄澄水遶山圍。

出隊子

有萬年松檜竹稍。搖似鳳尾玲瓏。寶塔碧玻璃照耀。雕欄白玉石彩畫山門金字碑。

刮地風

兩廊下閑行觀仔細。猛見了壁上留題。正是俺俏蘇卿寫下金山記。寫的來翰墨淋漓。一字字有些情意。

一行行訴着別離。滿懷愁一天悶說他憔悴。雙通叔見了自知。謊的他似醉如癡。閣不住兩行離情淚。他敢一聲聲自嘆息。

四門子

問僧人仔細言端的。臨行時說箇甚的。詩未寫珠淚垂。俏蘇卿再三傳示你。他教你上緊行。莫悞遲。他則在那臨川縣裏。

古水仙子

又叮嚀說就裏。都是俺親娘使的見識。他他暗接

了茶紅。敢敢親受了財禮呀。呀呀巧機關不用媒。
我我我每日家哭哭啼啼。愛錢娘百般喬所爲。三千
茶買轉親娘意。罷罷罷因此上嫁了馮魁。

尾聲

囑付你箇雙生莫疑惑。沿路上別話休題。我在臨川
縣豫章城等待你。

醉花陰

雪月風花共裁剪。雲雨夢香嬌玉軟。花正好月初圓。
雪壓峯巔人比天涯遠。這些時欲寄斷腸篇。爭奈我

無邊岸相思。好着我難運轉。

喜遷鶯

指滄溟烏硯。管城毫建筆如椽。松煙將太山作墨。研
把萬里青天烏錦箋。都做了草聖傳。一會家書。書不
盡心事。一會家訴。訴不盡熬煎。

出隊子

憶當時初見。見俺那風流的小業冤。兩心中便結下
死生緣。一載渾如膠漆堅。誰承望半路里翻騰。到做
了離恨天。

出隊子

二三朝不見。渾如隔了十數年。無一頓茶飯。不縈牽。無一刻光陰。不唱念。無一箇更兒。將他來不夢見。

刮地風

無一箇行人。將他來不問遍。害的人有似風顛。相識每見了。重還勸。不由人計掛在心間。思量的眼前活見。作念的口中拈戀。襟領前袖口邊。淚痕煙遍。想從前。我和他語在先。那時節。嬌小當年。論聰明。貫世何曾見。他敢真誠處。有萬千。

四門子

憶咱家。爲他情無倦。淚江河成眷戀。俺也曾坐並着膝。語並着肩。俺也曾芟荷香。效他交頸鴛。俺也曾把手兒行。共枕眠。天那。也是我緣薄分淺。

古水仙子

非干是我自專。只覓的鸞膠續斷絃。憶枕上盟言。念神前發願。心堅石也穿。暗暗的禱告青天。若咱家負他前世緣。俏冤家不趁今生願。俺那世里再團圓。

尾聲

囑付你衷腸莫更變。要相逢則除是動歲經年。則你那身去遠莫教心去遠。

醉花陰

玉宇金風送殘暑。半霎兒輕雲細雨。秋意滿庭除。珊瑚枕紗幮。頓覺涼如許。欲試繡羅襦。喚小玉。燕龍涎薰翠縷。

喜遷鶯

睡紅生玉。印菱花秋水芙蓉。粧梳點。蘭膏鳳酥。百寶光涵絡臂珠。整佩珷。步雲堦縹緲。對秋景歡娛。

出隊子

綠窻朱戶。弄新晴曉日初。合歡床鋪蓋翠纒。連珠幄纓聯珠珞簌。真乃似蓬萊島仙家碧玉壺。

出隊子

園林景物。寫秋光作畫圖。芙蓉傍水錦千株。丹桂迎風香萬斛。掩映梧桐深密處。

出隊子

紫微香露染霞綃。攢細粟鳳仙開似錦。糝糊丹桂花含香半吐。又早見亂撒金錢籬下菊。

出隊子

淡煙濃霧。看山光如畫圖。呀呀的賓鴻出塞遠相呼。
杜燕尋巢。嬌對語。滴溜溜紅葉兒隨風零亂舞。

刮地風

一弄兒秋聲斯斷續。真乃是萬籟笙竽。一年好景休
虛負。漸看那柳敗荷枯。畫屏般碧雲紅樹。錦機似綵
鴛白鷺。爽氣浮日影。踈送長天落霞孤鷺。掃纖塵淨
太虛。見冰輪飛出雲衢。剔團團碾破銀河路。呀敢放
寒光照九區。

四門子

上南樓似入青虛府。捲珠簾遙望舒。列玳筵。倒玉壺。
簫聲似彩雲雙鳳鷁。鬢髮擁嬌艷姝。擺列着清歌妙
舞。

古水仙子

浥金波泛醪醕。直喫到斗柄橫斜桂影踈。畫燭高燒。
玉山低起。拚着箇醉花前紅袖扶。問嫦娥今夜何如。
願天長地久爲眷屬。這的是人間天上團圓處。盡歡
愛永無虞。

寒兒令

索強如強如。廣寒宮一世幽居。常則是舞罷霓裳鏡
鸞孤。珊枕剩翠衾餘。空自把青春悞。

掛金索

光燦燦燈月交。素魄流香霧。嬌滴滴粉黛成行。清影
涵瓊樹。立亭亭羅襪生涼。疑是凌波步。舞飄飄霜袂
乘風。恍若飛仙去。

尾聲

不覺涼生桂花露。猶兀自醉眼模糊。共倚着玉闌十

二曲。

醉花陰

行色匆匆易傷感。陡恁般香消玉減。無暇理金簪。雲
鬢鬆髮。此是情淒慘。避不得這羞慚。準備遮藏手半
掩。

喜遷鶯

想才郎丰鑑貌。堂堂濶論高談。那堪並不愚濫。一見
了春愁。獨自攬。常好是忒大膽。怕不你心。心兒裏待
貪。又則怕意兒裏相攬。

出隊子

想人生時暫。在繡房中把歲月耽。描不成映花稍孔。雀翠相攙剪。不出撲柳絮蝴蝶粉亂糝。刺不就啄穀穗。鶻鷂嘴細噉。

刮地風

則被這幾對兒家毛團迤逗俺。馬兒送的人地北天南。待私逡至死心無憾。我則見四野巉巉。不聽的衆口喃喃。明滴溜參兒相攙剔。團團月初淡。柳色濃桃。花卸紅稀綠暗。想才郎常好是做得嚴。跳出這虎窟。

龍潭。要相逢怕甚牙兒。呀。敢我緊粧着一半愁。

四門子

過關津怕的是人虛賺。又道我恰離家初二三。膽兒又虛。心兒又慘。百忙里躡行馬兒不住叫喊。脚兒又疾。口兒又喃。我見他頭低眼瞤。

古水仙子

將將將紫絲鞭緊兜攬。是是是春纖長勒不住碧玉脚。颼颼颼摔風過長亭。出出出方行過短站。見見見三家店忽向南。淹淹淹映香塵曉日紅含。我我我軟

兀刺繡鞍身半探。看看曲彎彎。兩葉蛾眉淡。呀呀
呀瘦怯怯。六幅翠裙攬。

寨兒令

魑魅魑魅。做的來所事忒腌臢。想當初才貌兩三堪。
一箇嬌仕女。一箇俊兒男。自把那婚姻勘。

神仗兒

祆廟鎖磕塔的對岩。藍橋下忽刺的水滄。將一對小
小夫妻。送的來他羞我慘。嬌嬌媚媚。甜甜也那甘甘。
半路里被人坑陷。則落的眼兒饒。

尾聲

一擔相思自搖撼。我和你兩家擔由自難擔。將一箇
擔不起擔兒。却怎生分付俺。

醉花陰

雪浪銀濤大江迥。舉目玻璃萬頃。天際水雲平。浩浩
澄澄。越感的人孤另。一葉片帆輕。直趕到金山不見
影。

喜遷鶯

見樓臺掩映。徹雲霄金壁層層。那能上方幽徑。我則

見寶殿濛濛紫氣生。真勝境。驀聞的幽香縹緲。則不見可喜娉婷。

出隊子

心中倏倖。意癡癡愁轉增。猛然見梵王宮得悟的老禪僧。何處也金斗郡無心蘇小鄉。空閃下臨川縣多情雙縣令。

刮地風

我這里义手躬身將禮數迎。請禪師細說叮嚀。他道有一箇女娉婷。寺裏閑踴蹬。他生的娘孃娉婷。閣不

住雨淚盈盈。愁淒淒有如癡掙。悶懨懨即漸成病。拈雙毫迴廊下壁上題名。猛抬頭恰定睛。正是俺可意多情。走龍蛇字體兒堪人敬。他訴裏腸表志誠。

四門子

狠毒娘硬接了馮魁定。他到揣與我箇惡罪名。當初實意兒守。真心兒等。恰便似竹林寺有形不見影。實意兒守。真心兒等。他可便如何折證。

古水仙子

他他他觀絕罷雨淚傾。便有那九江水如何洗得清。

當初指鴈爲羨。充饑作畫餅。道無情。却有情。我我我。暗暗的仔細評論。俏蘇卿。摔碎了粉面箏。村馮魁。硬對上菱花鏡。則俺狠毒娘。有甚前程。

者刺骨

占天邊月共星。同坐同行。對神前說誓盟。言死言生。香焚在寶鼎。酒斟在玉觥。越越的人孤另。分開燕鶯。

神仗兒

喚稍公忙答應。休要意掙。誰敢道是半霎消停。直趕到豫章城。

節節高

碧天雲淨。綠波風定。銀蟾皎潔。猛然見俺多情薄倖。俺兩箇付耳言。低頭語。携手行。呀。下水船如何覓影。

尾聲

說與你箇馮魁。柰心聽。俺兩箇喜孜孜。悄語低聲。你在那藍橋下。細尋思。慢慢等。

醉花陰

春困書齋睡。寃擾誰似俺。今番這遭。相思病怎生熬。竹影頻搖。越感的傷懷抱。心間事對誰學。似這般無。

打筭淒涼何日了。

喜遷鶯

想着俺多情容貌。一團兒玉軟香嬌。難描萬般奇妙。想着俺倒鳳顛鸞那一宵。指望待同諧老。不思量火焚祆廟。誰承望水滄藍橋。

出隊子

正值着三伏天道。蓮荷香入翠閣。吹簫無伴飲香醪。交錯無心誰共酌。聽不的譙樓品畫角。

刮地風

鐵馬兒在簷前不住敲。聒的人鬼散魂消。金風動砧杵偏聒噪。怎禁那宿鳥聲巢。可着我夢斷魂勞。鬧啾啾蟬鳴柳稍。絮叨叨蛩唧窸窣。這壁廂那壁廂咕聒。聒心痒難揉。題起俺雜情的女艷嬌。空着我無語無聊。你道我每日花胡哨。你風流罪有萬條。

四門子

我儀容不如潘安貌。你難同蘇小小。秋風兒起梧葉兒凋。綻黃花有如蜀錦袍。秋風兒起。梧葉兒凋。不覺的零荷敗草。

古水仙子

紛紛的雪亂飄。凜凜的寒威侵畫閣。悠悠的山寺裏
鐘聲切切的戍樓上寒角。呀呀幾般兒厮鞦着。漸
漸的鬼病難逃。是是他無緣料應我命薄。休休休
我爲官他請夫人誥。俺俺俺再重整鳳鸞交。

尾聲

有一日夫婦和諧盡歡樂。喜孜孜夜月花朝。則願的
普天下有情人完備了。

醉花陰

玉臉橫秋淡眉掃。傾國傾城相貌。堆雲髻鳳釵翹身。
分兒苗條。淺淡粧天然俏。美甘甘膩香嬌。性格兒温
柔情意兒好。

喜遷鶯

青春年少。正當時二八多嬌。難描萬般奇妙。恰便似
月裏嫦娥離碧霄。天性巧。嬈婷婷千般旖旎。嬌滴滴
萬種妖嬈。

出隊子

若論他聰明俊俏。通禪機將詩謎包。裁冰剪雪辨低

高擊玉敲金不做作。濶論高談諸事曉。

刮地風

體態輕盈貫世少。喜孜孜笑撚鮫綃。更那堪閉月羞
花貌。檀口似櫻桃。玉纖嫩手似葱稍。金蓮窄款步輕
翹。踐香塵不由人心痒難揉。乍相逢猛見了。不由人
鬼散魂消。俏香肌嫩嫩婷婷妙。端的有丹青怎畫描。

四門子

本是箇美玉無瑕寶。怎不教聲價高。粉臉勻。蘭麝飄。
挽烏雲髻鬆金鳳翹。錦營中寵花陣裏嬌。但行處香

雲亂繞。

古水仙子

我我我猛見了。隱隱隱魂飛在九霄。他他他模樣兒
風流。敢敢敢音聲兒俏倬。騰騰騰鶯蘭堂入畫閣。款
款將檀板輕敲。輕盈盈舞徹楊柳腰。他他他通音呂
善曉諸宮調。俺俺俺拚沉醉樂醕醕。

尾聲

辜負了青春美年少。紅馥馥玉軟香嬌。占鶯花第一
入畫閣。

醉花陰

楊柳橫塘淡煙鎖。嬌滴滴芙蓉萬朵。微雨過晚涼多。
蟬咽庭柯。午夢方驚破。重洗盞泛金波。細細南風透
建葛。

喜遷鶯

少年行樂。好光陰暗裏經過。蹉跎。人生能幾何。六代
遺宮草木多。眼見的都證果。是看他江山依舊。惟有
俺人物消磨。

出隊子

遇知音幾箇。受清閑非小可。者莫你重裊列鼎更如
何。積玉堆金待怎麼。直要把利鎖名韁都頓脫。

刮地風

有時節放一葉小小蘭舟隨處泊。共娉婷二八嬌娥。
碧荷筒痛飲傾香糯。痛飲狂歌。直喫的雕盤上彩雲
零落。羅帕上酒痕淹污。錦一攢花一簇玉人盈坐。小
壺天風月窩。全不受禮法拘縛。紫檀槽一曲笙歌作。
吹撥喜宮商音韻和。

四門子

玉山頰。纖手雙扶過。困騰騰。眼待合。將象板來拈。好
句來哦。撚吟鬢。半將衫袖。擲。撒一會沁。打一會暖。要
認的周郎是我。

古水仙子

來來來自忖度。看鏡裏容顏兩鬢。皤。將將將愁布袋
丟開。把把把悶葫蘆。摔破。呀呀呀落些兒閑快活。休
休休走紅塵。萬文風波。喜喜喜縱踈狂。醉中天地濶。
我我我不干求。到底無災禍。他他他進步的是非多。

尾聲

非是我。殢酒淹花。性愚懦。怕的是日月飛梭。任教他
不知機。的世人嫉妬我。

醉花陰

風擺青青送行柳。拆散俺鸞交鳳友。終日爲花愁。暗
憶情郎。何日同鴛偶。感離恨。思悠悠。陡恁分離難放
手。

喜遷鶯

常想着當時情受。凭香肩月下追遊。相投。不離了左
右前後。我和他共枕同衾。一處宿。百事有。到今日花

詞林
黃金
五十三
殘月缺。何時再燕侶鶯儔。

出隊子

猛想起去年時候。賞春光。厮趁逐。妖嬈體態。那溫柔。落鴈沉魚。閉月羞。忽刺八面。北眉南出。盡醜。

刮地風

當日箇倚翠偎紅。事事有。到如今。一筆都勾。記星前。月下言盟咒。可不道。相守白頭。羨恩情。兩意綢繆。這煩惱。無了無休。枕邊盟。花間誓。總成虛謬。好姻緣。不到頭。一句句。細訴緣由。正青春。俊雅天生就。他敢論。

聰明第一籌

四門子

善詩詞。歌曲無出右。好才思。所事兒周。錦營中。逞花陣裏遊。盡今生。偕老無罷休。心兒中。想夢兒裏。憂實指望。天長地久。

古水仙子

我我我。鎮日愁。是是是。說來的言詞。不應口。他他他。衡一片虛情。敢敢敢。無些兒忠厚。我我我。到今日。遭毒手。他他他。恩情似水上浮漚。我我我。對蒼天。禱告。

面帶着羞。想想想好佳期。甚日重成就。罷罷罷相思。債痛難酬。

尾聲

一心指望常相守。誰承望半路裏耽憂。夢回醒向枕邊淚暗流。

醉花陰

萬紫千紅綻芳苑。金殿曉新鶯韻轉。花似錦柳如煙。日暖風暄。十二珠簾捲。花索讓牡丹先。散金盞芳英吐絳蟬。

喜遷鶯

寶闌中一見。姚黃敢奪狀元。樽前。靚紅堪羨。魏紫如同霞色鮮。百媚全。端的有丹青難畫。便有那巧筆難傳。

出隊子

賞花設宴。鳳樓中列管絃。散天香馥郁玳筵前。呈國色輕盈舞袖邊。看體態妖嬈分外顯。

出隊子

端的是香腮粉面。笑吟吟並玉肩。和風輕拂玉盤圓。

帶露羞臨寶鑑妍。向曉風低垂紅袖捲。

刮地風

嬌滴滴一段風流體態全。粧點就華鉛。四時中惟有
春堪羨。煖溶溶麗日晴天。香散滿瓊樓金殿。色掩映
華亭深院。煖風暄曙色。妍聽銅壺漏聲轉。箭。寶闌中
玉堦前。牡丹花開滿名園。舞霓裳縹緲。神仙眷。翫天
香盡閣前。

四門子

露華清濕透胭脂片。粉鬢輕蝶翅。蜂正忙。燕又喧。

看黃鶯往來花徑穿。紅漸稠。綠更妍。可人意香嬌玉
軟。

古水仙子

若說着設玳筵。則待要逞豔姿。丰丰韻韻列管絃。斟
玉液瓊漿。齊臻臻鳳樓中會宴。淡氤氳不若如蒸沉
檀寶鼎煙。煖融融風番。處玉貌蹁躑。喜孜孜看佳人
露春纖。拾翠鈿。玉腕上搖響黃金釧。笑吟吟仕女每
花裏鬪嬋娟。

尾聲

賞名花大設長生宴。樂雍熙萬載千年。越顯的牡丹名貴顯。

醉花陰

間阻別離又經久。折盡那郵亭翠柳。風共雨助人愁。風雨霏霏。越感的人憔悴。休問爲誰愁。不似今番恁恁陡。

喜遷鶯

容顏消瘦。意懸懸。魂夢悠悠。添愁對情感舊。這些時廢寢忘餐。誰問候。何日休。本則是浮雲掩月。到做了

綠慘紅愁。

出隊子

想去年時候。爲他時出盡醜。夜深人靜數更籌。躡足潛踪門下守。兩意相投成配偶。

刮地風

想念俺多嬌珠淚流。幾時得燕侶鶯儔。自思量暫且權寧候。有一日再會綢繆。忽的便上我心頭。常記的共我嬌羞。兩情濃一心順。全無虛謬。他占鶯花第一籌。更那堪旖旎溫柔。記當時曾發神前咒。也曾剪青

絲兩下收。

四門子

臨行時扯住羅衫袖。問歸期甚日頭。一會家思。一會家愁。這些時甚的是花共酒。一會家思。一會家愁。何日得鸞交鳳友。

古水仙子

呀呀呀。盼歸期且待秋。是是是。準備着偷香折桂手。我我我。約定的歸期。他他他。專心等候。呀呀呀。他到今日不應口。俺俺俺。有一日受用無休。有有有。整鴛

衾再共他一處宿。將將將。真心兒自有神明佑。喜喜喜。永相守到白頭。

尾聲

舞榭歌臺何時又。效于飛再整鸞儔。成就了美姻緣。重配偶。

醉花陰

滿腹內陰陰似刀攪。忽忽的。錐剗額角。烘烘的耳輪。燒。撒撒的增寒。撲撲的心頭跳。那的是最難熬。一會家頭疼。恰便似劈碎腦。

喜遷鶯

我待着誰人醫療。無人處野外荒郊。難熬。又則怕反
人來到。不由我心中自懊惱。一會家心內焦。好着我
心驚膽怕。一會家肉顫身搖。

出隊子

害的我無顛無倒。將人來厮拆薄。撲撲的心痛似錐
挑。忽忽的頭疼似火燒。撒撒的增寒如水澆。

刮地風

眼盼着妻兒音信杳。好着我心痒難揉。慢騰騰行出

靈神廟。我這里舉目觀瞧。我這里未下澁道。過的簷
梢。覺昏沉剛掙揣把門緊靠。我則道十分的緊閉着。
却原來不挿拴牢。靠着處呀的門開了。哎約。仰刺叉
放一跤。

四門子

正是嚴霜偏打枯根草。哎約。正跌着我這殘病腰。一
會家疼。一會家焦。錢財莫不有分無福消。一會疼。一
會焦。我将這神靈禱告。

古水仙子

呀呀呀猛覷了。說的我幽幽鬼鬼消。將將將紙錢來
忙遮把把把泥神來緊靠。骨聳聳掩映着。他他他走
將來展脚舒腰。我我我猛抬頭仔細觀了相貌。是是
是俺兄弟間別身安樂。休休休免拜咱波李文道。

寨兒令

不是昨宵則是今朝。被風寒暑濕吹着。嚥下去有似
熱油澆。忽忽燒五臟火火的燎三焦。兄弟也。這的敢
不是風寒藥。

神仗兒

他將那水調。我可便嚥的嚥了。忽的昏迷。丕的藥倒。
煙生七竅病沉了四稍。誰承望笑裏藏刀。眼見的喪
荒郊。

節節高

做的箇損人安已。不合神道。錢財不多。要則要分明
的道。你可便怎下的。把哥哥圖財命。更做道錢心重。
情分少。辱末殺分金管鮑。

者古刺

喉嚨裏藥把着。難走波難逃。難訴難學。行好的好報。

行惡的惡報。你心下自量度。

掛金索

我則道調理的風寒。誰想你暗藏着毒藥。你将我治了命圖了財。養着你箇家生哨。疑恠你来時節。不帶将你嫂嫂。全不怕後代人知。枉惹的劉備關張笑。

尾聲

更有的金珠共財寶。一星星不剩下分毫。則見他馬駝得落荒將去了。

醉花陰

元夜花燈世無比。美人燈端的第一。雪花燈最堪宜。窄窄鞋燈。寶塔燈。青雲霽。獅子燈。舞蠻夷。錦繡花燈。高掛起。

喜遷鶯

滾燈兒遊人作戲。屏風燈萬種清奇。端的似開蓮蕊。鸞鳳燈騰空不住飛。鷓鴣燈錦鴉尾。鸚鵡燈摘桃樹底。鷺鷥燈來往遊戲。

出隊子

傘兒燈堪人堪意。鯉魚燈巧樣勢。鷄燈相鬥比高低。

螃蜞燈橫行不住的。蝦蟆燈聲聲齊叫起。

刮地風

最好的是船燈。艣聲起。鼓兒燈插起似春雷。鴛鴦燈。水上堪遊戲。八角燈恰似箇蒺藜。梅花燈委實標質。牡丹燈堪賞堪題。仙鶴燈麋鹿燈果是真實。有綿羊燈太子騎。鮮蝦燈置造烏魁。金蓮燈枝葉皆成對。呀敢轉燈兒來往隨。

四門子

駱駝燈委實人歡喜。鷓鴣燈一齊飛。白象燈。駝寶貝。

天鵝燈往來上下飛。鬧判燈驅儼鬼。老兒燈駝腰曲脊。

古水仙子

有有有回回燈舞皂旗。是是是走馬燈團團不住蹄。見見見琉璃燈光輝。孔雀燈有翼。絳紗燈真箇美。馬兒燈往來人騎。兔兒燈搗藥明月裏。沙彌燈則把這心經記。看者看麒麟燈最堪宜。

尾聲

滴漏更遲盡歡會。賞元宵斗轉星移。家家把賽燈詞。

齊唱起。

醉花陰

則爲那可意冤家似膠漆。真箇是風流俊美。更一表
俏容儀。所事兒聰明。件件兒皆伶俐。願百載永無期。
到如今長夜思量空嘆息。

喜遷鶯

想着俺從前相會。自今後百事休題。情實。怎知道這
場憔悴。這些時廢寢忘食。似迷。如醉癡。空教我搥
背跌脚。一會家雨淚悲啼。

出隊子

想着他嬌嬌媚媚。論風流奪第一。我和他星前月下
喜追隨。更那堪柳影花陰逞艷質。則爲他蝶使蜂媒
引逗起。

刮地風

則爲俺往日交歡少見識。到如今信杳音稀。豈知他
今日無恩義。魚鴈分飛。繡幃中寂寞身竒。蕪沉檀香
冷金猊。想情人空憂慮展轉傷悲。這淒涼訴說與誰。
空教我坐想行思。想當時美愛成佳配。他敢到如今

悔後遲。

四門子

自臨岐一盞相分袂。唱陽關不忍離。今日箇焦。當日箇喜。論從前匹配相會期。他情意兒真。心性兒美。端的是如魚似水。

古水仙子

他他他忒俊奇。是是是引惹的情娘悶轉癡。他他他繡幃中歡娛。敢敢敢情濃如酥蜜。您您您料再來難共比。呀呀呀每日家燕約鶯期。每每每願天長地久。

不暫離。是是是儘生前百歲無拋棄。敢敢敢成就了好夫妻。

尾聲

月下星前說盟誓。共撚香結髮齊眉。則願的常相守。永團圓齊賀喜。

醉花陰

一自離別信音杳。獨守香閨靜悄。添憔悴減妖嬈。鬼病懨懨。清減盡芙蓉貌。寬摟帶褪纖腰。怎禁這麼寢忘飡憔悴了。

喜遷鶯

菱花羞照。悶懨懨。粉悴胭焦。評跋越。感的痛傷懷抱。則被這。淒楚光陰。怎的熬。自喑約。死分開鶯儔燕侶。生拆散鳳友鸞交。

出隊子

寂寞殺青春年少。恨離多歡會少。冷落了銀箏象板。紫檀槽。生疎了妙舞青歌音韻嬌。耽閣了彩線蒙金。懶繡描。

刮地風

愁的是靜掩重門涼夜迢。枕剩衾薄。對銀臺一盞孤燈照。金鴨香消。光燦燦。窻前月皎。風瀟瀟。弄影花稍。棲鳥驚。流螢飛。秋蛩聒噪。聽譙樓禁鼓敲。意攘心勞。訴離情。寒鴈兒天邊叫。呀敢。感愁懷。雨淚拋。

四門子

冷清清。悶把幃屏靠。怎生捱這一宵。一會家思。一會家焦。料今生是咱命淺薄。一會家思。一會家焦。困騰騰。和衣睡倒。

古水仙子

呀呀呀猛見了。俊俏多情來赴約。他他他惜玉憐香。
繡幃中兩情歡樂。我我我將真情親自表。共歡娛琴
瑟和調。美姻緣這番佳配巧。喜孜孜儘把鸞鳳效。嚮
玳瑁恨鐵馬畫簷敲。

尾聲

一枕鴛鴦夢驚覺。滿懷愁都蹙在眉稍。都做了長吁
氣一聲捱到曉。

醉花陰

雨順風調萬民喜。元夜好

皇都第一。煙靄淡漏聲遲。我則見十二天街。更和這明
皎皎如白日。則他那樓上下路東西。把萬盞花燈高
掛起。

畫眉序

珠掩映翠遮圍。火樹星橋數十里。喜金吾不禁鼓吹
聲齊。賀堯年五穀豐登。慶上苑新正佳麗。和可知。共
樂清平世。良辰美景相宜。

喜遷鶯

正值着堯天新霽。剔團圓月漾玻璃。交輝。冰壺表裏。

月色燈光望眼迷。端的是難下筆。一壁廂王孫歡笑。一壁廂仕女爭馳。

畫眉序

同翫賞共追陪。月底星前恣遊戲。看鰲山深夜萬象低垂。綺羅叢風月無邊。蓬萊境仙凡何異。和可知。共樂清平世。良辰美景相宜。

出隊子

社火每衣冠新製。燈影下喬軀老人未識。粧一箇姜子牙大雪裏釣磻溪。吊一箇杜子美騎驢醉灤西。扮

一箇蘇子瞻乘舟遊赤壁。

神仗兒

蹌蹌濟濟。塞巷填街。遊人似蟻。更有百工技藝。貨郎兒堆堆積積。萬人叢裏。層樓結勢巍巍。香靄散影霏霏。

刮地風

密匝匝燈竿高百尺。花燈兒委實的稀奇。梅花燈朶朶含春意。雪花燈舞態高低。一撲撲錦雲飄墜。一片彩霞零碎。鳳噴煙麟吐火滿城佳氣。燭乾坤照四

極動仙音。絲竹金石。早梅開撲面。東風細。呀敢喜。陽和即漸回。

耍鮑老

買笑追歡樂無比。唱紅兒斟綠醜。銀箭銅龍謾相催。拚取今宵醉如泥。儘留連明月底。

四門子

好風光快殺遊人意。夜將闌人未歸。河漢又傾斗柄又移。只走到鳳城鷄亂啼。月色兒沉。燈影兒稀。四下裏笙歌未息。

雙鬪鷄

四時雖佳上元最美。百年人能有幾。密約須還擬來朝相會。把花燈再看起。

古水仙子

我我我費品題。看看看燈火輝煌滿。

帝畿。是是是一統山河。喜喜喜萬年祥瑞。他他他衆元公能燮理。見見見慶雲呈彩鳳來儀。敢敢敢見如今四方無戰敵。有有有老人星隱隱。遙天際。我我我慶鼓舞樂雍熙。

尾聲

何幸臣民值今日。好風光相賞休違。太平人一齊歌
聖德。

春調青杏子

空外六花番。被大風灑落千山。窮冬節物偏宜晚。凍
凝沼沚。寒侵帳幕。冷濕闌干。

歸塞北

貂裘客嘉慶捲簾看。好景盡圖收不盡。好題詩句詠
尤難。疑在玉壺間。

好觀音

富貴人家應須慣。紅爐煖。不畏初寒。開宴邀賓列翠
鬟。拚酡顏。暢飲休辭憚。

好觀音

勸酒佳人擎金盞。當歌者款撒香檀。歌罷喧喧笑語
繁。夜將闌。畫燭銀光燦。

尾聲

似覺筵前香風散。香風散非麝非蘭。醉眼朦朧問小
蠻。多管是南軒臘梅綻。

念奴嬌

驚飛幽鳥。蕩殘紅撲簌。簌胭脂零落。門掩蒼苔書院
悄。潤破窻紙偷瞧。這生則爲那一操瑤琴。一番相見。
又不曾言期約。似這般多情多緒。等閑間肌骨如削。

六國朝

這生不思獻賦。不想題橋。則俺那卓文君本無心。把
你箇漢相如乾病倒。教先生在意服湯藥。把病體和
調教。解元苦志攻經史。休把文章墮落。省可里胡言
漢語。誰教伊夢斷。魂勞。若足下病沉時。將碗來大箇

艾焙燒。怕哥哥告殂時。把你來幹葬了。

初問口

不爭你先輩顛狂。枉惹的吾儕耻笑。戀着這尾生期。
改盡了顏回樂。又不曾薦枕席。便指望同棺槨。只想
夜偷期。不計朝聞道。

歸塞北

則你那年紀兒小。有路到青霄。有一日名掛在白玉
樓前龍虎榜。愁是麼碧桃花下鳳鸞交。早掙揣箇束
帶立於朝。

鴈過南樓

將他那不犯觸臙兒變了。將我這柰捨白的臉兒難描。他不鄧鄧怒怎消。我可丕丕心頭跳。手脚兒滴羞篤速的不知一箇顛倒。忙哀告膝跪着。硬打捱剛陪笑。則被你送了我。也干相思。洛陽的年少。

六國朝

梅香啖省鬧。小姐你休焦。你道是那件物要箇歸着。這東西索尋箇下落。這的是先相國深宅院。怎敢把小姐般調。小姐是未出嫁閨中女。怎敢把淫詞戲謔。

至如俺如風火。夫人性緊。把我這壞家門罪犯難招。請侍長快疾行。教奴胎喫頓拷。

喜秋風

虧你可也用工夫描。却不道無心草。恁的般好門庭。到大來惹人笑。我將這紫香囊。待走向夫人行告。你是箇女孩兒甚爲作。

歸塞北

請放了。怎生向賤妾行告擔饒。你却丕不捱綻我櫻桃。樊素口。誰敢湯着你楊柳小蠻腰。今日箇輪到我粧。

么。

怨別離

梅香今日有功勞。將一箇小小機關完備了。有他那親寫的情詞。揣着吟藁。呀那里不見了。哎這箇不了事的呆才。可在我手裏掂着。

歸塞北

簡帖兒恁樣小。見甚影像把香燒。不爭這狂客謹心。參尺素。却不學文王下馬拜荆條。見了你娘書信。到看得喬。

淨瓶兒

想着那書舍里人靜悄。都做了陽臺上路迢迢。他則待收拾雲雨。又怕泄漏春嬌。待和你今宵。一句話到我這舌尖上嚙了。不說破教先生且悶着。他教我對你低低道。他教你夜深時休睡。只等等到明朝。

好觀音

上覆你氣咽聲絲張京兆。他待要填還你枕剩衾薄。他教你帽兒光光過此宵。恰正午怎做的日頭落。也不似你箇急色呆才料。

隨煞尾聲

則聽的禁鼓。鼕鼕。黃昏報。等的俺夫人睡。宅院里。瀟
條。悠悠的聲。揭譙樓品畫角。璫璫的水滴。銅壺玉漏
敲。刷刷的風。颭芭蕉。鳳尾搖。厭厭的月上。花稍樹影
高。悄悄的私出。蘭房離繡幄。捺捺的轉過。欄干上角
道。霍霍的搖動。朱簾你等着。剝剝的彈嚮。窻櫺兒。那
的是俺來到。

驀山溪

冬天易晚。又早黃昏後。修竹小琅玕。空倚遍。寒生翠

袖。蕭郎寶馬。何處也恣狂遊。人已靜。夜將闌。不承望
今番又。大抵爲人圖是麼。况彼各青春年幼。似恁的
厮禁持。尋思來。白了人頭。

好觀音

過一朝勝九秋。強拈針線。把一扇鞋兒繡。驀聽的馬
嘶人語。不付能。眇的他來到。他却又早醺醺的帶酒。

鴈過南樓

枉了交人深閨候。踈狂性。慣縱的來自由。不承望。今
番做的漏斗。衣紐兒尚然。不曾扣。等的他酒醒時。將

他來都明透。問着時節。只辦的擺手。罵着時節。永不開口。我將你耳朶兒揪。你可也共誰人。兩箇歡偶。我將你那錦片也似前程。花朵兒身奇。遙望着梅稍上。月牙兒咒。

六國朝

風吹羊角。雪剪鵝毛。飛六出海山白。凍一壺天地老。舉目觀琳瑯。巧筆難描。仰面瞻天表。青山似粉掃。幽窻下寒敲竹葉。前村外冷壓梅稍。我則見山伴野雲低。遙觀雪片小。

歸塞北

莫不是春歸早。却怎生蝶翅舞飄飄。梅蕊粉填合滿。長安道。柳花綿迷却霸陵橋。山館酒旗搖。

初問口

見那捕漁叟。策笠輪竿。他向那寒江獨釣。和俺這採樵人迷却歸來道。凍鵲又飛。寒鴉又噪。古木林中。聽的山猿叫。

怨別離

園林無處不瀟條。春歸也猶未覺。滿地梨花無人掃。

寒料峭。遙望見那一點青山。早不見了。

歸塞北

白雲島。孤鬼吼荒郊。九天玉女驅造化。六丁神仗劍。斬長蛟。就地捲風濤。

歸塞北

孤村曉。稚子道猶自月明高。玉女剪冰寒不散。黑龍噴雨凍難消。何處覓漁樵。

鴈過南樓

我則見凍剝剝的一行老小。戰欽欽四體頻搖。一箇

早骨聳着肩。一箇拳攣着脚。正值揚風攪雪的這天道。我則見兒扯定老父悲。父對着孩兒道。說道喫飯處霎時間行到。

六國朝

早是這朔風凜冽。途路迢迢。我則見三箇人歪歪歪的走將來。呀可怎生撲撲的都凍倒。用手忙扶策緊。拈住頭稍。軟兀刺的身軀倒。我則見刺達了手脚。我敲敲的將衣襟解放。悠悠的鬼散魂消。救的一箇心坎兒上恰溫和。那一箇早把牙關噤了。

歸塞北

過了這條抄直道。那里一橫澗搭一橫橋。白茫茫雪迷山崖角。淡濛濛霧鎖草團標。松檜一週遭。

搗鼓體

那先生浩歌拍手舞黃鶴。他住在瑤池閤苑十洲三島。一曲長笛秋氣高。數着殘碁江月曉。

歸塞北

他服的是長生藥。端的也不許您這世人學。三弄琴聲彈落葉。九重春色醉仙桃。白日上青霄。

淨瓶兒

那先生對雙手。搖山嶽。一對眼。睇那妖。劍輝星斗。曾捲江濤。難描。則他那惡像貌。伏的虎降的龍德行高。他恰似箇活神道。他也曾跨蒼龍。曾把玉皇朝。

玉翼蟬煞

那先生自舞自歌。飲的是仙酒。仙桃。草舍茅菴煞強。如蘭堂畫閣。白雲不掃。蒼松不老。青山圍遶。淡煙籠罩。崎嶇古道。凹凸岩壑。門無綽削。洞無鎖鑰。香焚石卓。笛吹古調。雲黯黯。水沼沼。風凜凜。雪飄飄。柴門閉。

竹籬高。檜栢青松。踈竹寒梅。瑞草靈芝。峻嶺巔峯。你
遥望着那幽雅的仙庄。你却休錯去了。

書